



柳田文庫
文庫11
D 147
3



文庫11
D147
3

010190553529

國朝風雅雜編目錄

建陽蔣易師文編集

上卷

南城校文聯句

送李副使赴閩

同送李彥方

題天冠山

送朱真一

送元復初

急去草

感興

止法

述志

書警

木綿歌

采茶歌

莫相疑

柳田氏之印

天狗歌

胡氏殺虎歌

題淳化閣帖後

題石經

明皇合樂圖

讀文山詩

太極梅梢

小春梅蕊

天馬圖

懷鄧牧心

贈友

中卷

登武昌南樓

登岳陽樓

屯田作

寄崔左丞

寓言

過洞庭

送黃脩永

過餘杭故內廢址晉

望思臺

小演雅十首

題姚主簿卷

己丑客洪

春遊

送李彥方

同送彥方

贈陳新甫

重贈

御溝

送張兵部

殿試罷賦

寄東宮二首

贈柯博士

和敬仲韻

江風山月亭

山行

晚憩澗北亭

清明

送趙虛一

初春

偶題

送倪伯範

送魯子元

寄蔣師文

四首

奉翠峯上人

秋燈

寓舍春晚

中秋憶家

擬古

三首

輓輻怨

下卷

聽孫練師琴

始皇

回皓

飛來峯

松明火

孔明

春日感事

春暮

望夫石

示故人

綠珠行

花石行

送祝丹陽

商人婦

鳳凰臺

題郎官湖

宿赤城站

寄趙春洲

送邵平林

感事

秋清羈思

雙結峯

贈李道復

送王高士	題福濟廟
贈張原心	贈祝蕃遠
巫山高	無題
秋興	虞帝廟
秦望山	會稽南鎮
山居	堯率寺

記以雜名者苟及他事不專於一也詩以雜名者不拘流例遇物即言也是編雜采江湖之所傳而不睹其全者故題曰風雅雜編云



國朝風雅

南城校文聯句

翰林直學士馬祖常左司都事宋本太常博士謝端丙寅大都鄉試貢院作

天街麗奎文王都會髦弁奉璋來我二馬佩玉

坐宴二捐庭鴈鶩立干祿虎豹變宋解衣三褊

帶東卷一如縛謝蜂房磬折入宋鈴索宮懸真

審墨翻玄江馬炬蠟燒赤電謝冥思嗒移精宋

幽探窳凝眇刺楮非三年馬穿揚真一箭微吟

忽首肯謝急馮掇意見字誤率一注宋蒙屬各

後先廟器陳古制馬舶香然甲煎潘陸蕪靜分
宋枚馬遲速見駝疥落銑毛宋牛溲起回漩趨
陰進程書馬緘封逆膳繕號分梵夾字謝畫裂
蒼史篆校讀乃上副宋考第或當薦揀金晝披
沙馬角麟宵設饌頰感咨碌謝眼嵬矜涎
去取決一目宋利鈍盡三戰仙籍銀牘懸馬牙
門鵠袍絃數盈輻共轂謝餘棄縑過傳得雋九
族賀宋敗績十朋唁工歌勞府主馬几授集曹
掾溲母太官具謝孺肩庖丁剗瓶壘雜酒渾宋
供張爛彩蓋群諱劇賓興衆樂醪飲餞里嫗嗔

兒癡馬室婦詈夫懦憶被請初宋自赧官居賤
鳴騶紛辟易謝曲巷隘回遭飛蓋及泮水宋重
鑰限別院邏卒游鐸振馬周垣圍棘柙攝事四
列署謝防嫌兩隔面御史官方峻宋主司目敢
眩持衡亦榮名馬東濕柰罔胥浹旬雖獨苦謝
得士期衆羨博士曲臺秀翰林金閨彥叙賦極
羅縷脩詞妙貫穿而我典簿領偶爾共筆硯補
綴褐倒繡瑣碎襪拆線細書刺他山奇跡壯赤
縣宋

送李彥方閩憲副使

謝敬德

使君昔我豸冠日正色危言動明主臺除近日
多畱中今日東門送君去平生不到黃河壩塞
惟萬里閩關路畫鷁輕搖楊柳風繡衣肯裛
露

同送彥方

張質夫

鳳閣憂勤甚烏臺委寄專閩中分憲府興北出
名賢阿父曾揮簡先生早著鞭著書貧亦富守
道正無偏霽月光風地嚴霜烈日天格言懸雪
壁律句染冰箋詣實求京本揚名積歲年玉堂
誇五鳳璧水美三鱣出按乘驄貴歸休閉戶堅

心為儀禮印筆是藝文掾采事周天下成書達
日邊 聖心如眷顧除目忽喧傳及此青春壯
優於白日仙浮家蘭棹快飛騎繡衣鮮夙負澄
清志宜司造化權三山天不遠八郡海相連吏
輩多漁取民生或磬懸飢疲荒畝遺逸老林
泉赤子兵猶伏青衿教未宣皆思新雨露稍改
舊山川攬轡今能爾彈冠我湯然通家元在楚
同巷久居燕訪問車頻下商評席屢前無歡干
薦剡有分理殘編困學誰青盼離愁又白顛私
情非屑 二公事亦拳 二行即碑銘具終當擢名

旋雪餘梅耐好水暖柳爭妍屈指人才少回頭
景物遷悠二前後事略二短長篇

題天冠山

元復初

仙翁昔住天冠山夜呵鬼神衛爐丹二成飛去
杳不還藥池丹井猶山間二學子鳴佩環華
棟巨麗青雲端思玄尋躅果安訪鶴歸月落前
溪灣

送朱真一

張夢臣

鶴馭翩二渺莫攀浩然清興滿西山摩挲鐵柱
觀浮世整頓丹函說大還石壁風清瑤草秀洞

天春盡玉笙寒扁舟倘遂遊仙約握手岩扉一
解顏

送元復初

安南國王陳益稷

江流脉二草離黃鶴磯頭酒一卮報國寸心憐
我老論交半面識君遲二正當重鼎調梅日又是
長亭折柳時滿載詩書歸路穩鳳城依約更相
期

急去草

宗道傳

急去草二無情若比世俗真小人君不見江南
二月初插秧二未出水草已長二當時種苗不種

草不知此草來何方四月五月間草青稻已黃
若更不去草二長稻死何以充飢腸又不見長
安甲第連青雲此時寸草無由生一朝主人失
勢草得意侵上階綠窺簷楹若更不去草便為
狐營所以周任蘊崇意去惡欲務善者信急去
草二無情若比世俗真小人

感興

于介翁

群栖平沙鴈有警奴輒鳴二多謂奴妄哀嗷墮
弓增姓二中林鹿以媒誘其群相呼入罔罟鹿
死媒獨生骨肉不相信效忠况他人輕言託心

腹賣友終不仁君子能審交四海皆弟兄

止法

劉起潛

喬木長千年終不到霄漢怒濤漲千尺終亦有
畔岸倘非分限本截然波吞天地枝挿天位極
三公殊未愜粟積千倉猶道乏黃金滿匱尚求
多華屋連雲常苦狹人心無足時天道有止法

述志

杜若川

寧枉百里步曲木不可息寧忍三日飢邪蒿不
可食雖云食息頃便分淋與慝志士當莫年聞
道轉歷二要使此一身如琢沒如滌整冠與納

履微嫌貴疏別未若瓜李地絕不見吾跡

書警

前人

食李勿嫌苦食梅勿嫌酸不為身所累且從心
所安吾分固云薄吾志亦非單靜看如山禍差
之一念間所得甚夥二所求亦慳三百年修不足一
朝容易殘雖處四壁立享如万鍾安靜坐明月
窟濯足清風灘

木綿歌

練梅谷

吳姬織綾雙鳳花越女製綺五色霞烟熏麝染
脂粉氣落二不到山人家蜀江撞老鵠衙子種

我南園飽春雨淺金花小亞黃葵濃綠苞肥墜
青李吐成秋繭不用繰迴看春箔真徒勞烏鏐
笥滑脫絨核竹弓弦緊翻雲濤按掌玉箸光奪
雪紡絡新絲細如髮津二貧女得野蚕軋三寒
梭緯霜月布成奴視白氈氈價重博取青銅錢
不須坐我爐火上便欲挾纊春風前衣無美惡
煖則一木綿裘敵天孫織飲散金山弄玉簫風
流未遜揚州客

采茶歌

卓元墅

山之顛水之涯產靈草年二采摘當春早製成

雀舌龍鳳團題封進入幽燕道黃旗閃二方物
來薦新趣上天顏開海濱亦有間世才弓旌
不來無與媒長年抱道栖蒿萊撚鬚吟盡江邊
梅嗟裁人與草木異安得知賢若知味

莫相疑

歐陽南陽

莫相疑古有幽并之壯士步出燕之南門易水
之涘易水東流晝夜聲未必秦人便濟兵君獨
何為兮詹二迫人天如穹廬兮代雲無色関山
渺茫兮風吹沙礫送客相看淚沾軾今持一七
首入不測之関中僕少遲留待客同二客未至

事當尔今子疑之行决矣聲曰高漸離宋如意
丈夫不許人則已許君節俠為君死擊筑高歌
髮上拍酒酣日落客登車終不回頭願燕市咸
陽宮殿曉花紅秦王聞客喜怒二設九賓兮備
禮見燕使兮上官舞陽同勇不同氣持圖可笑
僵秦陞當年約契竟何如生劫始知成誤計遠
殿柱擿匕首事不成祖龍走空餘壯氣不消没
化作白虹秋貫日

天狗歌

張可久

將軍躍馬來南荒腰間古劍白練光鷲鷄塗香

魑魅泣寒芒，熠々勾陳蒼龍鬚。高釘珠堂月，玉華曾拂樓蘭雪。為君盡斫奸臣頭，天狗三更下。舐血

胡氏殺庖歌

徐威卿

瀕州淳海縣兵籍有劉平其妻曰胡氏艱險常同經起赴零陽戍仍輦兩兒行莫宿沙河岸忽聞蕭風聲一庖蹲其間視平若孩嬰吞臂曳之去胡氏躍且驚走逐十餘步掣足與庖爭呼兒取刀屠庖肝腸傾庖斃平脫口扶婦季陽城一支骨已碎三日目乃瞑夫歿入黃泉婦哭入青

冥風雲變黯淡禽鳥為悲鳴帥府取皋比列狀達省庭省庭壯其義復戶仍免征旌表見國政激勸通人情大哉夫婦恩直與生死并死同葬庖腹生同食庖羹誰謂荆釵輩乃有如此英班班古列女好事多丹青宜將殺庖傳題徧家屏

題淳化閣帖後

傅景文

君不見秦王一旅定兩京武功文德致太平晚年却愛蘭亭字收拾繭紙歸昭陵前朝淳化號極治典章文物煥日星遺書購求到筆帖祕府書靜聞登二銅駝翁仲兩荆棘況此爛石何足

憑當時已愧千載後影外之影聊相仍即今見
此遂希世古意雖遠猶典刑文章於道固小伎
而況字畫紀姓名癡兒傳觀競彷彿至有嘔血
求其精殘編斷簡無足論此事自關時廢興願
君持此待善價他年不厭家雞腥

題石經

龔子敬

洛溢河清世之季鈞黨諸賢死無避橋門冠帶
此何時詔為群經正文字議郎二將工隸書觀
者紛紜門外車似憂方策重煨燼且可鑄模辨
魯魚南臺四部存幾磧誰見世間完六籍漢儒

二掇拾力到今不是糊塗客

明皇合樂圖

杜仲高

天風吹來羽衣曲二譜君王新意續後宮粉黛雲
飛揚梨園四部羅仙唱虬髯天子坐胡床飛燕
歛衽隨君王鼓瑟彈箏間吹簧琵琶意慘塵沙
黃龍吟雜品單于調象版促鼓過漁陽三郎回
笑眎玉環只有天上無人間弄臣番綽敢稱贊
請祝君王萬歲歡堪笑虞庭大岑寂只有一夔
能拊石

讀文山詩

林德陽

黑風夜撼天柱折萬里飛塵九溟竭誰欲扶之
兩腕絕英淚浪二滿襟血龍庭戈鋌耀如雪孤
臣生死早已決綱常二千古懸日月百年身世輕
一髮苦寒尚握蘇武節垂盡猶點卿舌膝不可
下頭可截白日不照吾忠切哀鴻上訴天欲裂
一編千載虹光發書生倚劒歌激烈萬壑松聲
助幽咽世間淚洒兒女別大丈夫心一寸鐵

太極梅梢

熊勿軒

弄條倚南枝剝落見根柢形容若外槁精腴實
中美偃蹇勢難屈清風塵不滓自憐方寸微未

千里星河一鏡圓杜陵兒女隔秋烟遙憐此夕
柴門裏相對清樽說去年

擬古

徐天送

皎二機上絲織為遊子衣遊子蕩風塵素衣化
成緇風塵不可避回顧將何之豈不念潔白徒
為翟子悲勗哉加澣濯河水清且漪

其二

娉婷閨中女天質知自愛空懷蘋藻心日月苦
行邁蹇脩意良勤遲二如有待未嫁庸何傷失
身將重悔

其三

婉婉自結髮，伉儷情義深。夫征日易久，魚鴈成銷沉。自憐鏡中貌，衰白將駸。二有衣為誰，熏有花為誰。簪頰影雖無，儔秉心猶斷。金青天懸明，月照影不照心。

轆轤怨

門前水揚聲，似雨幽人當。窗碧弦語萬里征，夫去不歸一雙蛾。眉井中舞年二井上攀轆轤，勞心只恐秋葵枯。他家種得長生草，梅花落盡青
青好

國朝風雅雜編中

登武昌南樓

梁貢父

樓前秋水健帆開，樓外秋風舞袖迴。萬里梯航來鳥道，四時風雨護龍堆。江山如此不一醉，歲月幾何能再來。欲問老髯求鉄笛，夜深吹上紫荆臺。

登岳陽樓

段惟德

羣江西來與天平，天壤巨浸開洞庭。雄吞三湘隘七澤，中蟠万古君山青。我行持節按廣海，驛騎暫駐巴陵城。巴陵城樓冠天下，風軒月戶雲

霧屏平生夢想今始到危闌乍倚心魂驚初疑
太極渾未判日月往復凌空明又疑此世墮物
外弱水萬里環蓬瀛湖山得意有如此況乃佳
客聯簪纓金杯浮動玉色酒滿抱清思春雲生
龍魚掀舞怒濤起眼花落日搖青冥軒皇廣樂
渺遺響芳洲寶瑟愁湘靈丹丘謫仙竟何許幾
欲八表追遐征孤心未了忠孝願敢念綠髮潛
凋零聖神一視無遠迹恩風化雨浹四溟尋常
嘯聚犬豕爾瘴烟一洗霜天清歸鞭咫尺覲慈
母細語八千山水程孰能閑置若新婦正要磊

落肝膽橫飲酣拂袖下樓去忽聽過鴈雲邊聲

屯田作

劉衡

為吏勿稱能為政勿稱奇能吏尚苛刻奇政少
恩慈十年從簿官此理漸次知吾敬民何慢吾
信民何欺一有所未至庶事墮而墮風俗久澆
漓尤當教誨之懲一以戒百底用勞鞭笞大官
勸農至軒蓋如雲馳條畫動十數應報無停期
養民如養樹郭駝誠良規安知一牛死全家老
稚飢見之不敢語回首長嗟咨陽城下二考甘
責吾何辭尚愧志未勇歸來誰汝疵

有感寄崔左丞

胡梅畊

楚人不愛玉，玉人不愛足。此足宜可別，此玉不可辱。

齊王不好瑟，瑟人不好竽。吾竽既不能，吾瑟聊自娛。

寓言

宋之才

獸有善觸邪，草有能指佞。獸草非有心，不移本天性。臣而加是冠，俾尔效端鯁。如何不稱服，觸指反忠正。吾欲取二物，豢植列臺省。一令邪佞徒從此亟，深屏。

風雨晦冥夜，雞鳴有常聲。霜雪枯萬榦，松栢不改青。內守初已定，外變終難更。若人東勢利，浮沉無定情。俯仰效桔槔，低昂甚權衡。反出木鳥下，徒為萬物靈。

過洞庭

歐陽元功

白沙隱二見金鰲殿閣憑虛結構牢天水渾齋浮太極，神人幽顯隔秋毫。龍堂深閔靈樞冷，象緯低垂客枕高。欲作廟中迎送曲，杜紅蘅碧盡離騷。

送黃脩永之武夷

易景升

武夷山中隱君子聲名海內共
詔頻煩虛東帛著書辛苦作
南座夜月空懷剡曲舡政憶
花外雨如烟

過餘杭故內廢址

謝羽皋

複道垂楊草欲交武林無樹著
移來住覆盡花間翡翠巢
隔江風雨動諸陵無主園池
誰家泣女冠猶有舊宮人
禾黍何人為守閣落花臺殿
黯銷魂朝元閣下

歸來燕不見前頭鸚鵡言

紫寒樓閣宴杯霞今日淒涼
花霧散萬年枝上挂袈裟

望思臺

陳尚德

幾多愛子出蕭關骨葬胡沙
臺上淚隨風吐去洒陰山

小演雅十首

方景山

反哺烏曰慈食母巢名惡如
自覺

馬舞睨祿山猴朝識朱溫人
豈不若獸變故輒

負恩

鯤鵬奮雲霄尺鷃栖野草物各適其天夫豈論

大小

蜂房開戶牖蟻穴有官守究竟物皆然夢幻君

知否

小哉蠻觸爭鄙甚蛙黷怒達人能大觀本以和

平故

瑞世鳳鳴陽司晨鷄鳴丑叟二取人憎亂蟬合

械口

螻蛄每利人蛛網偏害物利害負不同其間僅

絲忽

猿定不窺凶牛馴常露地伏席與降龍此理元

無二

解牛中肯綮相馬外驪黃後知得三昧意到形

自忘

蟻封罅隙地蛙井咫尺天那能致廣大此道誰

為傳

題姚樵雲主簿卷

尹仲明

巴歌混雲門章甫變鷄羽大雅無知音滅何設足

數而我不量已冥搜徒自苦風月入吾手草木

忘掀舞終然墮習氣未見脫塵腐先生不羈人
雲間弄樵斧運思琢山骨下筆疾風雨解后所
好同訪我青楓塢始疑神明逸乃見武功簿論
心若平生忘形孰賓主桃李俱塵埃青松日高
古示我摩尼珠紅光照窗戶至瑤不可玩雋永
宜細咀傑出固橫放頓挫更媚嫵尚當論千載
豈與噲等伍若以法眼觀盍嗣涪翁祖且截葛
藤禪一笑喫茶去

己丑客洪

宋季任

袞二魚龍國茫二去住身波濤江有恠風雨巷

無人落葉終為土殘花不藉春浩歌成俯仰殊
愧偶畊民

春遊

草色江城綠四圍客中天氣近單衣蛛絲似怕
春深去網住桃花不許飛

送李彥方

韓伯高

奎壁文星八九重遙瞻使節向閩中分襟客路
柳初綠艤棹春江花正紅部檄百城沾化雨海
天千里肅清風懷賢戀德情無限夢逐旌麾過
甬東

同送彦方

陳衆仲

海濱赤子窮無告

帝遣儒臣著繡衣
天祿閣中書灑
越王山下馬駢
魚風滿卷榕陰
合燕雨吹簾荔子肥
一道澄清俄頃事
使星還向紫垣飛

贈陳新甫

東華塵土滿貂裘
芍藥闌邊繫綵舟
二十四橋春似海
令人腸斷憶揚州

重贈

天下英賢皆願仕
山中隱者盡登朝
淮南春草

無端綠公子
歸來不可招

師海

朱顯夫

決二穿雲出澗初
千回百折到

皇居行人不敢來
飲馬稚子時能坐
釣魚昭應宮前晴
滉漭雲岩觀後晚
舒徐波湯略約通
丹禁風颺輜軒動
翠裾三月烟霏著
楊柳九秋涼露濕
夫渠萊唐莫說涑
紅怨自是清漣解
起予

送張兵部分題得遊絲

白日照曠野
飛絲颺重霄
輕兼柳綿度
細逐蕙

風飄燕郊縈去策
楚岸胷征撓
嗟予願不及相
送共迢遙

殿試罷賦

宋誠夫

玉堂松檜帶晨霞
遙望

宸嚴共拜嘉
逢掖諸生袍立鵠
未央清問墨翻
鴉扶搖九萬風
斯下禮樂三千日
未斜從此
君王識名姓
烟波慙愧舊渙家

寄東宮

李道復

艱危勤尾從
俯仰盡周旋
小試屠龍技
翻成抱
席眠脫鈎魚
縱壑漏網鳥
冲天萬事從
今始灰

心未死前

其二

十年陪顧問
一旦決安危
自合成功去
應慚見
事遲長城徒
自壞孤注
莫相疑
辟穀求仙者
高名百世師

贈柯敬仲博士

王止善

與子浮沉三十載
歸來文采更風
汗虛名聊爾
或見錄尤物
移人何足留
說劍談玄皆外
慕買田築室是
良謀
眼花耳熱爭
意氣泯滅無
聞同一漚

和敬仲韻

憶子曾陪翠輦過，翔風海子起曾波。上方授衣
黑貂鼠，太官進膳金頭鵝。此日此時甘放曠，某
山某水且婆娑。但願年豐飽喫飯，擊壤細和堯
民歌。

題江風山月亭

往日扁舟渡揚子，水榭風軒吾舊遊。天籟動波
蛟窟夜，雲根倒影兔華秋。嵐光漠漠浮京口，樹
色依依到石頭。試與題詩分物色，玉簫吹月上
揚州。

山行

郝守中

路轉顛厓山委曲，泉穿亂石水官商。無緣細看
山中景，過嶺盤岡只自忙。
橫水拍槁船不度，亂石當路澁難行。懸厓峭壁
高千尺，古恠藤蘿顛倒生。

晚憇澗北亭

楊季

我性喜消散，東園時獨行。高亭俯絕澗，下有流
泉聲。秀木翳繁陰，朱華散微馨。踟躕澹忘歸，夕
露霑我纓。人生忽如寄，何乃苦營營。優游在空
谷，飲水有餘清。

王昭君

湯斬郅支胡草似人

陳尚德

清明

周秋陽

又是清明不上墳客中猶欲自招魂
門前石上冬青樹歲二春禽長子孫

送趙虛一歸金陵

周克善

真人道眼照九圍夫容瑤冠黃錦衣
相從雲龍霄漢上獨抱琴鶴烟霞歸
南樓吹笛聞折柳北山杖藜歌采薇
明日度關瞻紫氣

帝鄉杳杳雙鳧飛

初春

僧無懷

暖信初迴宿草根茸茸漸可藉芳樽
未須著意催花柳且為乾坤補燒痕

偶題

亡名

船向風波靜處拋酒開新甕鮓開包
自從江上為漢父三十年來手不抄

送倪伯範之金陵

鄭資深

倪子別我江海去黃金作賦意有餘
新豐市上且喫酒光範門前莫上書

送魯子元江西省宣使

張萬里

千騎吳城且出圍平章宅裏皂鵬飛角弓紫帽
黃金勒定是相從射鴈歸
登山愛著謝公屐霜月多臨庾亮樓江上數峰
何見厚故畱殘雪送行舟

寓懷寄蔣希文

陳直方

風雅日淪器艱謝悅人久正味乖衆嗜誰具易
牙口文繡同世願布帛已何有朱弦而疏越此
瑟薦清廟

古來文學士秉筆侔天工造化妙莫窺恍惚迷

西東險易迨兩途臨岐果何從知幾惟哲人為
我開愚蒙

西凶不戢頻幾度風雨夕青燈照無眠疑義相
與析每於方策中痛為和氏惜三則獻荆璞未
遇真賞識天然希世寶珉砥豈同日韞積而蔽
諸善價終不失

朝來有爽氣悠然見停雲虛襟啓幽軒佇立近
氤氳好風不東來俯仰空無垠何當乘變化上
下從朝曛世事每相違將誰與同群

奉翠峯上人

周本心

翠峰雲煖橘成村歲晚相携訪綺園共愛僧家
解藏密萬松深處著三門

秋燈

繁華忽已飛殘書稍復整玉蟲吐孤照茅齋夜
初永青熒洞古心寐冥弔寒影耿耿一室外人
世皆夢境

寓舍春晚

鄧德良

柘陰初合豆初肥門掩春寒落絮遲薄暮一樽
還獨酌坐看微雨濕荼蘼

中秋憶家

發正如此

小春梅蕊

四野積陰沍九地微陽升特立表節操孤芳見
精神矯二山林姿益二天地心自此一充拓万
宇同吾春

天馬圖歌

戴祖禹

月支天馬難再得誰向君家貌真跡駿尾皎潔
骨肉勻駮駟驂駟敢同色當時超逸真絕倫皎
如玉龍下天門朝馳駿坂飛匹練暮浴深淵浮
素雲四蹄飽踏咸陽月滿身帶猶燕山雪只愁玄

霧閣神姿未許清塵汗血飄然却立精神聚
想見落筆驚風雨他年開匣君勿驚照室神光
夜飛去

懷牧心

風汗年少今安在江頭駐馬空相待暮鴉千點
落西陵歸帆一片生東海去年別尔鴈南征今
年迎尔春水生我心思尔如春水回波相續無
窮已君如鴻鴈早驚霜方逐長風度千里歸來
滿地生芳艸相期走馬西門道大堤日出佳氣
濃飛絮遊絲滿晴吳如澗之酒傾玉壺下馬共

飲休躊躇文章似尔絕代無不須更草封禪書
但願長醉黃公壚

贈友

鄧牧心

我在越君在吳攜書邀我遊西湖我還吳君適
越遙隔三江共明月明月可望佳人參差與君
携手西湖上相思空誦傳雲詩知君去埽嚴陵
墓祇把清尊酌黃土浮雲蒞二江水深感慨空
勞吊今古孤山下見陳實連騎東來踏春色
湖邊千樹花正繁莫待春風吹雪積有酒如澗
有肉如陵鼓趙瑟彈秦箏與君沉醉不用醒人

睥睨鼠伏狸奴殺機一動與之俱鷹揚頗類師
尚父牧野秉鉞行天誅臨河而聞殺鳴犢曳輪
不住反手覆許由不受堯天下一瓢雖無吾亦
足聖門此意傳不傳耿一精靈月在天孫郎何
處得受授長江秋霽印婢娟五音本無根舌齒
六律發揮憑手指音律之外求七情万變悉從
心上起孫郎胸次夫何如貯儲古今万卷餘孰
謂七弦軫上之神聖不本二尺檠邊叟夫少年
學琴欲學渠勿但彈琴當讀書

始皇

尹仲明

秦皇吞六國制度卑先王複道象天極長城巨
羽方盧生偏饒舌衣冠竟離殃刀筆握八極詩
書終辟箴赤子遭天閼一已思壽康神仙在何
許鼓柶凌茫二湘山雖可赭弱水終難航脩短
自有定早為山鬼量六合正焦槁雲氣生芒碭

四皓

商山鬱嵯峨高風聳人清冥鴻竟長往人間但
聞名乃從吾兒遊忽使隆準驚峨冠華岳聳素
髮秋霜明恭敬豈足重慢罵安能輕紫芝了晨
昏焉用加璧迎誤墮良術中僅勝口舌爭誰謂
四老人不如魯兩生

飛來峰冷泉亭

前人

湖山獨愛飛來峰孤猿長嘯寒烟中丹霞赤壁
藏梵宇葛衣草屨來仙翁松根屈曲絡山骨水
光雲氣相冥濛傳來自天竺國攘奪造化開

神功固知此語特虛幻豈有重濁能凌空山川
靈異本自有何假移掇迷西東詩人愛竒故踵
謬誑惑千古欺盲聵是邪非邪姑勿論且坐挹
此亭間風

松明火

銀爐熾炭麒麟紅銷金帳煖熏籠烘爨下有螭
可代薪笑我寒夜癡坐然枯松貧富貴賤何不
公安能排雲叫呼天九重空憐爾松生抱有用
材不遇匠石梁棟施併幪盤根錯節屹立凍不
死凜勁氣猶足排嚴冬顛厓峭壁人跡絕閑

雲汜水相冥濛胡為明不能保身丁二斧斤山
其童鶉衣百結縮如蝟地爐擁膝便可閑從容
當年椎油幸不嚴汝禁餘用尚及斯民窮陽和
無聲入骨髓不知夜雪沒屋霜橫空但見濛濛
杳霧靄四壁紅輝紫焰明凶權御寒何必裘蒙
茸盎然一室回春風

諸葛孔明

前人

建安天下如潰瓜一榻之外非吾家黃屋飄飄
定何許龍為魚兮鼠為虜老瞞作力敢欺天朶
願羊鼎方垂涎紫髯將軍一攘臂控荆引越三

千里慷慨山東大耳兒南飛烏鵲栖無枝草廬
一語君臣契目中久已無吳魏堂二大義凜不
磨靈關劍閣爭嵯峨昨夜西南一星落六尺之
孤竟誰托渭水旌旗歸故都江上空存八陣圖
抱膝長吟出師表古栢蒼二為誰老

春日感事

林霽山

柳花袞雪春冥二溪風一夜吹為萍二隨風去
渺杯水人生無根亦如此故山入夢草芊二半
鹵踈兩寒食天曉來白髮稀可數多少朱顏化
黃土高原冉二青烟斜麥飯洒松能幾家子規

叫殘金粟暮繭紙蘭亭已飛去

春暮

前人

乾坤万事上眉端
竅歷東風獨倚闌
白髮餘春能幾醉
綠陰細雨不多寒
香飄苔迳花誰惜
影落沙泉鶴自看
碧眼野僧知我意
素琴携就竹西彈

望夫石

劉時中

望夫山頭日欲頽
望夫山下江聲哀
山頭日風雨惡
江上不見行人回
空山亭幾朝暮
獨記行人去時路
知君渡河長不歸
恨不當年逐君

去此身化石千仞
磯石猶可轉心
不移長江水涸
黃埃飛行人應有
歸來時

示故人

杜若川

在家同匏繫遊子似籜飛
昔分參與商今作墳
與箎感子意氣殊
顧我齒髮非茅屋
正蕭野花亦離
無酒水可飲
無飯黍可炊
杲看朝陽連
弄夕暉
男兒重交好
雪霜以為期

綠珠行

蜀絲殷勤金作谷
珊瑚成林珠百斛
彼姝千葩万葩
簇明月出胎
照波綠鏡中
飛鸞掌中身
夜

月春風看不足世間福如倚伏西市憐嘯東
市戮欲將舊意奉新人此事今生已難卜君因
妾死莫多怨妾死君前君眼見高樓直下如海
深碧玉一碎沙中塵平生感君愛妾貌今日令
君知妾心

花石行

陳茂卿

鉦聲一發千鷗舞汴水黎童泣鞞鼓千年廢圃
墮空茱萸壁化為圓下土江南壯士鐵衣寒落
日駟車望靈武瑤宮飛墮黑山顛淚洒江花作
紅雨天南羈鳥歸不歸故園草萊陵樹稀

送祝丹陽祠武當

武當之山上參天上有天帝居其顛陰陽蔽野
藏日月草樹蒼蔚含雲烟六丁開山鑿空翠万
神扶棟飛脩椽金門耽二守龍帟玉佩纏二羅
仙人間塵俗不易到我常夢寐思攀緣嗟君
此行非偶然冷風吹至虛皇前手持
御香謁帝所口漱瓊液哦靈篇蒼龜巨蛇出神
恠朱鳳白鶴相後先帝命青童授珎訣谷神不
死真玄二却被羽服謝仙女笑視浮世三千年

商人婦

林德陽

君上海舟去飄何所之一去二十年安否不
得知長憶送君處缺月隨我歸月缺有圓夜君
去無回期回期倘終有豈計早與遲寒蛩夜相
吊青燈鑿孤帷妾心不出惟妾夢万里馳

鳳皇臺

李文遠

鳳不來隔遼海高臺已美天未改當時別舜返
崑崙如何一去三千載人間豈無青琅玕孤栖
未必天霜寒致君堯舜我有術來儀好向宮庭
間鳳兮鳳兮今當還

題漢陽郎官湖

李溉之

山翁薄莫醉酒歸杖藜迷却高陽池清風吹花
綠陰倒我笑謂是秋雲移還乘貫月槎夜過郎
官湖崢嶸星斗入江漢蕩漾槎影如鯨魚九華
之真人邀我倒玉壺麒麟擘脯供行厨依稀仙
樂在空際碧山四映寒蟾孤舉酒酌寒蟾明月
下飲嫦娥俱霓裳拂雲錦萬荷露瀉瓊瑤珠麾幢
掩靄羅烟空乃有玉皇所授之玉童風前飄
曳廣帶對立十二秋夫容清香九曲銀河通真
人綠髮披天風錦袍玉雪照天地口說姓字安
南公是公多逸氣略與古昔賢豪同時能埽月

色延我石室烟蘿中又言昔同張謂所遊地長
嘯一覆丹霞鍾風吹仙樂度溪去我已醉臥香
爐峰

上都回宿赤城站

安南國王

塗山執玉會諸侯宴罷回程宿嶺頭白海雨來
雲漢_二赤城秋入夜颼_二皇圖萬里乾坤濶客
路幾年身世浮驛吏驚呼詩夢破一聲雞唱隔
雲州

寄趙春洲

王寬夫

自從君向常州去鴈過無由寄一棧多說秋初

歸故里幾回天際望飛帆吟成定已刊新藁關
好還應換舊街十載約遊風水洞何當匹馬逐
征衫

送邵平叔入京

趙子玉

壯心輕萬里一笑又天涯夜月淮南酒春風薊
北花路長宜計日身遠自忘家了却東君事歸
來梓里誇

感事

趙春洲

美人休唱渭城歌芳草依_二自碧波可與共言
今則少不如意事古來多青天皓月元無礙白

日黃塵欲奈何却笑江湖釣竿手十年畱滯負
漁蓑

秋清羈思

笛聲孤起江城暮隔江山好青無數征帆一去
知何處蕭蕭老却江頭樹猶如此生慘淒秋
風不管生別離

雙結峰

車東野

溪上立亭二千載不肯筭山花巧粧束戲弄山
鳥啼昨夜海風來一霎夢行兩烟雲迷西東欲
望不知所

贈李道復

王伯益

鞍馬西來氣吐虹名聲一日壓諸公面陳王霸
龍庭上手拔乾坤席口中万户封侯子房了千
金為壽仲連東可憐岑蔚亭前月倘與狂生此
意同

送王高士

墮甌歸來百念空自燒靈藥洗衰容身為幽巽
市中客心在華嵩雲外峯一片懶衣如畫鶴半
盂殘飯勝烹龍只愁了却松楸事飛入烟蘿不
再逢

題福濟厝

漢長沙王子哀侯祠

江學庭

故宮秋草翳龍鸞萬古英靈此地蟠棟宇尚存
唐歲月江山曾識漢衣冠賈生遺恨蒼波遠主
父奇功白日寒更後千年心尚在斷雲斜日是
長安

贈張原心遊浙東

鄧蓀璧

丹崖飛蓋下三神王室金堂處
春禹洞夜看封藪字霞城朝見茹芝人
梅寒立馬題詩早栗熟持環入夢頻
行次嚴陵回首向來別駕有芳塵

祝蕃遠舉茂異

張伯遠

朝飡狙林椽夕飲虎窟泉幽栖豈不逸於道未
為全所以少微星含輝麗中天雲蘿謝招隱冠
帶趨興賢魯生贊制作商老安疑然董子述微
驗賈誼明經權盛時有遭逢志士無弃捐長貧
若忘世一出垂千年折梅楚山阿賦詩江水邊
寂寞思古人中懷為君宣

巫山高

王季鴻

巫山高哉入青冥峭峰十二如連屏巴江下與
峽爭險波濤澆灑魚龍腥參差之顛晝晦冥鳥

道超忽難得經深林大谷度彷彿月出照見峰
青_二高上陽臺奚所銘何年館宇開亭_二扶丹
壘翠既窈窕中有神女長娉婷珠宮洞房玉作
扁凶間一笑窺明星為雲為雨朝復暮往來恍
惚潛其形夢中之遇夫誰令褰帷解后_二波停
襄王本自好荒恠搖佩徒使顏微頽倏然而逝
乘風萍更煩詞客傳丁寗_二妃在野叫虞舜至
今遺俗祠湘靈行人猶薦蘋藻馨茲山終古非
明庭女蘿日落山鬼哭只是哀猿那可聽

無題

自古功名孰盡酬平時閭巷詫封侯萬言未試
人皆惜一士難招國可羞豈必後來俱齷齪若
為諸老獨風_二汗黃塵袞_二將年待往事悠_二與
酒謀

秋興

每逢搖落倍依依_二秋盡他鄉未授衣臨水偶然
傷遠別登樓亦欲賦將歸乾坤道路無今古書
劍風塵有是非壯志相違摠如此紛_二鴻鷹稻
梁肥

虞帝廟

黃元鎮

嘗聞帝舜起東夷此地不傳更奉祠虞縣有如
成聚日歷山猶似往田時悲風老樹啼黠狄落
日荒村走庖狸欲聽箛韶何處問數聲羌管向
人吹

秦望山

萬騎東行上會稽此山登望海天涯神人鞭石
乾坤動方士乘舟歲月遲一夕平陰持白璧五
年豐邑起朱旗那知千古蒙餘烈忍對西風讀
斷碑

會稽南鎮

巨鎮東南表海邦玉書金簡昔人藏雲從禹會
奔侯國星列周官奠職方野逢萐莆秋樹老空
山香火夕暉涼共惟歲徧宗群祀勅使年二攝
薦璋

山居

躡鶴來尋處士家迢迢空翠隔烟霞山童揖客
松邊坐却背春風掃落花
行到長松野水間吹簫石上不知還嵐光已重
衣裳冷自叩巖扉月滿山

題蘭江兜率寺

晉侍郎胡鳳故宅
唐釋貫休道場

陳梓鄉

將軍不愛府潭二幻出天宮穀水南浮世幾更
非典午好山千載尚瞿曇蘓侯斷碣經秋雨松
引輕烟作莫嵐欲問休公吳蜀事一燈未滅照
空龕

蔣氏此編明焦氏經籍志黃氏千頃堂書目阮氏進呈書
目張氏愛日精廬藏書志並作三十卷此殘本七卷每卷
一目不記卷數目錄首行上題國朝風雅下題蔣易編集
每卷或一二家多至七八家不等每家各自為編首行上
書姓字下題姓名籍里或並著履歷書口亦書作者之字
不題書名每版所記版數亦各家分記蓋隨得隨刊故不
相銜接也七卷中六卷有目其吳閑閑等八人之詩則無
目殆脫佚也每家詩末或略加評論或記作者事實或記
選刻歲月然非每家皆然雜編則分上中下三卷目錄首
行題國朝風雅雜編次行題建陽蔣易師文編集目錄但
書詩題不著人名而於卷內書之每卷首題國朝風雅書
口題雜編上雜編中雜編下每版所記版數分三卷書之

愛日精廬著錄之三十卷本乃士禮居舊藏載黃蕘翁跋謂以三十卷本與所藏殘本及香嚴書屋殘本校每多歧異三十卷本每卷無子目而前有蔣易自序及黃潛虞集二序並目錄虞序言此書三十卷以劉靜脩爲首而終之以雜編三卷張氏藏書志謂始劉夢吉終陳梓卿凡一百五十五家阮氏謂卷一至二十七止凡八十五家今檢雜編三卷上卷二十家並馬祖常宋本謝端三人聯句一篇作三家計之共二十三家中卷三十一家下卷二十一卷三卷總計七十五家其他七卷都二十八家合一百有三家視張氏所舉少五十二家然如阮氏言卷一至二十七共八十五家再益以雜編七十五家則都計一百六十六家與張氏百五十五家之數又不合可證此書實隨得隨刊

故諸本家數不相符合也黃跋又謂三十卷本當是因版片不全子目盡失遂按人姓名分卷加此題頭然則此不題卷數之本當是未經改併者較之足本尤足珍矣又據易自序及黃虞兩序並稱皇元風雅而此本實題國朝風雅不知三十卷本每卷書題如何惜蕘翁未言及也此本爲汪閩源舊藏每冊首有汪士鍾印閩源真賞二印每半葉十行每行十八字元槧元印極精雅雜編卷末有蕘翁手錄香嚴本四冊中詩人姓名履歷並題識二行吳中舊書傳是述古所藏散佚殆盡予于光緒乙巳春旣于南匯沈氏得東海徐氏所藏宋本肇論中吳集解秋間復得此書古緣不淺矣戊申二月上虞羅振玉記

